

NISBET TA MUESTRA RIBA E ROL PISA CU NAN TIN DEN GOBERNACION

ORANJESTAD (AAN): Den su discurso di fin di aña, lider di Partido PPA, Benny Nisbet, a indica cu su organizacion politico tabata tin e honor y placer di hunga un rol importante den Gobernacion Arubano y den Parlamento Arubano.

"Indudablemente un rol mucho mas pisa cu ta worde spera di un partido cu solamente 1 asiento, pero nos añanan di existencia y experiencia como partido ta duna nos e base pa e rol importante aki. Y di ta un factor cu a contribui na estabilidad politico durante e ultimo 3 añanan aki na Aruba," el a bisa.

Internamente Partido PPA a sigui cu su programa di restructuracion interno creando un di tercer organo ac-

erca dentro di e estructura di nan partido cual lo desemboca den un Congreso na 1992.

Varios persona di diferente distrito a bira miembro di nan partido cu e meta pa fortifica esaki pa futuro encuntronan politico, segun Nisbet.

"Manera priminti, PPA a inverti den su sede na Clavelstraat 5 na San Nicolas na unda nos lo tin un sede cu ta cumpli cu exigencianan moderno pa cualkier partido politico cu seriedad pa futuro. Accento lo worde poni riba informacion pa nos miembronan y informacion pa nos comunidad Arubano riba tereno politico, economico, y social," el a indica.

Segun PPA:

AÑA 1992 LO TRECE SU PROPIO RETO

ORANJESTAD (AAN): E lider di Partido PPA a indica cu pa loke ta trata e aña nobo, no cabe duda cu esaki lo trece su propio retonan. Pero e ta kere cu confianza y firmeza, comunidad Arubano lo confronta y solucionan nan tur.

"Pa loke ta trata e tereno estatal, 1992 lo bira un aña importante na unda Reino lo mester duna contenido na e acuerdo haci cu Gabinete Oduber encunto scrapmento di e fecha di independencia

for di den statuto," Nisbet a bisa.

"Partido PPA a nenga di vota pa e cambio di Statuto pasobra segun nos e pueblo no a pidi pa independencia pero pa Status Aparte. Aceptacion pa tur esnan pa scrap e fecha aki ta forma cabalmente parti di e filosofia politico di PPA riba tereno estatal, apesar cu cierto momento nos a sa di respecta opinion di mayoria."

MAS KEHO DI EXPLOSION NA MOKO

ORANJESTAD (AAN): E sonidonan fuerte cu tabata bini for di Moko, a sigui resona durante e dianan di fiesta di Aña Nobo.

No tabata trata di dinamita, pero di e asina yama "fireworks" colorido cu na momento nan habri den aire ta produci un sonido fuerte di explosion.

Y e sonido aki por a worde sinti te na Turibana, y tambe te na Piedra Plat.

Bisñanan tabata yama

polis, y esakinan tabata acudi na Moko pa mira con e sonido ta. Enberdad e 'explosion' colorido aki tabata tembla bentananan di cas, pero no tabata mas fuerte.

Ademas, polisnan a opina cu toch ta tur hende ta celebrando Aña Nobo, pues ta un biaha pa aña so nan por sinti e alegria di fireworks. Pues e bunita aki a continua te banda di 2'or di madrugada, ora cu e show aki a termina.

GERT VAN VLIET A SER HONRA PA FUNDACION LOTTO PA DEPORTE



Gert van Vliet

Fundacion Lotto Pa Deporte, recientemente a honra varios deportista, ariba e grafico Aiky Croes di Lotto pa Deporte ta entrega e gran atleta Gert van Vliet su plaquette di reconocimiento.

RUDY WESTER Y LUCIO GEERMAN PA DALLAS TEXAS



E Organizacion di Baseball Rockets, pa mehora su staff di Training, a manda dos joven Rudy Wester y Lucio Geerman pa e tradicional Convencion di Baseball, na Dallas Texas, unda varios clinicanan y topiconan di baseball lo ser duna pa diferente persona, Rudy y Lucio a viaja aña nobo cu Aeropostal pa Atlanta y despues sigui pa Dallas, Texas.